




考
工
記
考


車圖







輪牙
而咸鑿
合十五
元式三之二



牙剖面
依元式作

輿旁

較旁出

五尺五寸

轉柱

轉柱

四尺四


寸

軌旁


式旁出

式前出

三尺三寸式柱



輿底



任正者

七

六三

■

第 〇

六、

七

10

城

尾

兔

帝苑

11

(7)

貨


•

旁觀


攷工圖四

奥面


前




觀



伏兔平面



伏兔側面




樓

式木

高三尺七寸七分

附板二尺九寸三分



旁軌

減半作

轉柱 三 三 分 三 寸 四

輪 三 三 分 八 寸 四

輪 整



朝有三理

注利

深而不折

輕順

準久

四尺

五尺五寸
衡任者

四尺五寸
任正者

和安

淺而不負

軒典

軸

衛

衛

斷

股

五尺四寸二分

一尺六寸三分半

一尺九寸

六

尺

方

六

寸

精

圖

枕

頭新特

紅


驅

圖徑二寸
三三

圖徑二寸
五五

[illegible]


弓鑿 依原式作



弓



右爲中制弰五尺角二尺五寸弣六寸弓末竟弣六寸半
 上制弰五尺二寸角二尺五寸弣七寸弓末竟弣七寸下
 制弰四尺八寸角二尺五寸弣五寸弓末竟弣六寸撻閒
 皆五寸半自候內環而引之合七成規弛之則王弓之屬
 合九成規爲往體寡唐弓合七成規爲往體來體若一夾
 與合五成規爲往體多



戈

有圖不解

五兵圖




戈

自前圖之被

二尺四寸

晉

新



戈

前圖之被

後與前圖之被皆如前圖之被

八

晉

前圖之被

半

新

倚矛

矛

夷矛

得

六

器圖被


香王


月

月

攷工圖九


夏世室基圖
五分堂基二
在首而棟之






我工圖

周明堂基圖
棟居南北
之中重屋







攷工圖十一

耒耜圖


今蜀中犁如此



耦耕圖




大車圖




張侯圖

三侯大小不同
形制皆如一


植亦維之




戈減半作



戟
減三之二作




鐘




嘉量

減三之二作




劍 劍身疑太廣然以九釐七釐五釐之重推之
又實有此數不知古人服劍何爲笨重若此




右應七釐五釐
之內作

劍莖 依原式作




犀甲七屬

依原式作




皋陶

三鼓合廣四尺



賁鼓



鼓 皋

六尺

八尺九寸七分

六尺

四鼓尺

磬折

鼓工圖

共

大圭側面 天子所應節也 禮節侯大夫士之節

鎮圭

十二寸 天子朝旦執

桓圭


九寸

信圭

七寸

躬圭

七寸



三書為諸侯朝王所執其諸侯相朝則皆用劍上之圭各以其等不用命圭也 下加

桓圭

九寸

信圭


七寸

躬圭

七寸



裸圭 長尺有二寸博三寸厚八分前爲橢盞一寸中
廣五分深三寸圭面當盞中隆二分以固盞瓚柄曲
徑六寸博寸八分厚五分瓚瓚徑六寸博寸四分厚
四分龍身徑約四分長十八寸勺腹徑三寸二分



磬

縣之而鼓重十分之三

鼓

十三

六寸

九寸 此皮厚為六分六釐六毫

鼓



鼓

膊 依原式作

新式下衣式圖

裡六寸九分二釐八毫

後幅五寸六分五釐六毫八三三二

攷工記攷

彭縣呂調陽述

攷工東周後齊人所作也其言秦無廬鄭之刀厲王封其
子友始有鄭平王以西周故地與秦始有秦故知爲東周
時書其言橘踰淮而北爲枳鸛鴒不踰濟貉踰汶則死皆
齊魯開水而終古戚速裨菱之類鄭注皆以爲齊人語故
知爲齊人所作也

本江氏永

冬官雖缺以諸經傳證之當有大司空小司空

如五官工之例

正左

傳工師

孟車正

奚仲爲夏車正周亦當有此官

舟牧

見月令此雖秦梓官周亦當有之

梓

師

梓工之長見梓人

陶正

左傳豕人如牛人雞人羊人犬人之例

倕夫

儀禮司里

司里

水師

並見國語

都家司空等官此皆冬官篇亡無庸割裂牽補

致五官無一完善也

參江氏

審曲面勢曲勢皆對直言執微曲如人之勢也面自其正面以度其側也物生如皆正直轉多不宜於用故曰物曲有利惟善因故有利也

五材後鄭謂金木皮玉土與曲禮之六工合玉可以兼石

木可以兼草也

本江氏

以辨民器注辨具也古言辨今言辨實一字昧者憶改從

力耳

參江氏

刀斤削劍必淬以水地氣異則水性異故遷地弗良

本江氏

汾胡之篋胡今太原之樓煩鎮司胡疑當作汾或謂此胡以水爲姓篋同稟音考司西近石樓山有箭嶺

石有時以泐凡水直衝岸石逆轉如指之劫故謂石爲水漱曰泐因謂風雨蝕石亦曰泐

有時以澤澤讀同釋詩其耕澤澤夏小正農及雪澤初服於公田皆此澤字

攻木之工七輪輿轉弓廬車梓也記文本不及匠人故止言七其匠人一篇蓋後人自他書收入因去轉存匠以合

七工之數非也且建國營國爲溝洫皆司空工師大匠之事非匠人執斤斧者之事不當以是名篇

設色之工五五疑作四記文畫續只一工之事也

車有六等之數疑本謂廬人之六建也人與五兵以四尺遞崇故曰六等此文去夷矛言軫與彼異者總敘與匠人皆別一人之作也

旣建而進謂向後邪建於輿內之右也鐔在式下刃出軫後八寸五分卑於軾一尺五寸其受戟二矛俱立建於右軾外之軹楅閒受最在後夷矛在前皆有管以受鐵

樸屬微至輪股相扶轉如樸枝之後狹前廣曰樸屬輪牙

輕輾地如脂者輕下其首曰微至

一坐再至之至

軋缸也轂端陷鐵

當長五分轂長之一厚二分七五

齊於轂以受軸而利

轉

軸末徑三寸四分半鐵轂之徑仿之

鐵轂之末以缸函之出轂外寸餘以

承膏缸有鼓以入轄

轄長四寸見尸子其廣厚約五分

故名軋凡圓不交

為只也

軋崇三尺有三寸加軋與轂四尺軋崇自軸心計之也軋

貫轂之軋也軸半徑二寸一分

古率得二寸一一二

內方而兩端圓

軸身長十二尺四寸八分內方者五尺四寸三分兩端圓者在空壺中各一尺九寸三分半在軋各一尺二寸九分

出轂外各三寸以受轄其方處貫轄有二在軌內左右各

於兩轄與伏兔與軻輪俱可脫也

轂入軌內五寸八分半

七寸二分距轂端一寸三分半其形上狹下

廣後矩前銳下廣十二寸五分上廣七寸五分高一尺零

八分左右厚一尺零二分際輿底當中爲軫隧博三寸深

二寸半順於輿隧兩旁各厚三寸六分爲牡筭厚一寸八

分長五寸七分上出平於輿面一寸三分

牡筭前與軸齊後退於軸一寸

五分自輿下三寸六分爲軸穿方廣四寸二分鑿下三寸鑿


後二寸四分計軸心上至輿面總七寸故合軻崇爲四尺

也

七寸之數是連牡筭計之

人長八尺中指尺也若食指尺則一丈

古一尺約當今六寸四分

穀輻牙穀端流膏似穀乳輻古文作象形直指如人散伸五指以觸物牙以牝牡筍相銜似齒牙今人謂之抱圈固抱如抱物者錯接五指以固之

輞爾下迪輞作暝轉勢如人暝而前俯此見其輻之轉也微至則見其牙之轉也

掣爾而纖此下三者皆就不行之車言也輻股遠望不可辨故但見其穀之纖細臂膊滅殺如削曰掣也肉稱股後之肉其豐殺與骸稱也易直輻面向外直下也

眼革色青白似人目白也很目 憐之廉幹觚外見也幹不
曰眼 觚不易憐憐不急不能廉

纓蚤 注以纓爲輪筭謂輪牙稍偏向外輻股向內隆起
如輪筭也謂之纓者汲纓長繩而有小枚故凡物倨句一
甚長一甚短名纓也計六尺有六寸之輪自轂心至地三
尺三寸牙偏向外六分六釐倨句五十分之一猶五丈之
纓有一尺之枚也輻似人指故謂向外邊筭之入牙者爲
蚤蚤與蓄在輻面應繩也蓄本治田反草向上之名輻股
之筭微邪入轂似之齟當作齟齒偏不正也不齟者蓄蚤

之鑿一一相當也匡者正矢之器似木桶長方而侈口輻

折而輪毀似之

蚤在輻面之下廣眠骸厚八分六釐順於牙厚得骸博之半爲六分四釐五鑿深眠

骸博一寸二分九釐蚤外不至牙邊七分六釐零八內不至牙邊一分一釐五八

矩其陰陽木南向日爲陽北背日爲陰西受雨澤少爲陽

東受雨澤多爲陰自木心午畫十字識之則成四矩

雖微不歆歆作歆吹竹破裂氣泄也

柞擊柞多聲也擊搖而俯向內外也

牙圍牙厚二寸六分寸之一

卽二寸一六六康成牙厚博一寸三分寸之二已薄

三寸三分寸之一

卽三寸三三三

合四面爲六分輪崇之一一尺一寸

近地不漆者內外各四分寸之三即七分五加厚二寸六分寸之一是爲牙圍三分之一
三寸六分六其餘漆者居三分之一也

椁其漆內鼓邪曰椁自漆內平度兩端得徑六尺四寸有半中誦之得三尺二寸四分寸之一即較長以其長爲之
圍得徑一尺零二分六五四九半徑五寸一分三二七四也
古率徑一尺零三分二釐按古率
周一徑三二徑一周三一二五

圍之防防同扞三指之一也
凡扞轡以中指無名指小指而小指獨當扞處故謂三分
爲扞一以圍之防指其數謂以一尺有四分寸之三即一尺零七五

爲賢與軹閒之圍也

用古率周徑比例大穿首圍一尺三寸二分徑四寸二分二四穿尾接軹

處依綬率五十分一算之當徑三寸四王得圍一尺零七八有奇止大三釐有奇也

藪卽賢以其外

爲眾輻所聚謂之藪以空壺不受摩力而完久謂之賢賢

貝之堅好者也空壺向內略寬故不受摩力其當大力處

唯在軹壺口亦少佐之而已以指探穴而旋之曰指謂入

手轂中以度空壺之均好否也

空壺口大脰小三寸四分餘之徑兩端皆可入手

去一爲賢依鄭氏作去二爲是五分轂長每分得六十四

分五賢得三分爲長一尺九寸三分五軹得二分長尺二

寸九分也

軹在外近鉦因以鉦名之

容穀必直容穀謂穀之切於軸者卽軹也容穀猶容膏也
直則受軸力均無偏重之任凡轆穀亦轆其當軹者而已
詩約軹錯
衡軹卽軹篆陳墨也先削穀面爲三十觚乃節節墨之如
一施膠施筋皆循其篆則不偏也也轆革皆曳急而釘之
故負幹而廉矣

參分穀長每分得一尺零七五以一在內置輻前加股博
貝是五分穀長二在內也蓋輻股之厚一寸零七五
卽三十分
圓倍之得二寸一分五爲股博卽三分一五分二之較度
也

輻與輻間如一皆二寸一分五其長得輻廣三分之二
爲一寸四分三三順於轂廣得輻厚之半爲五分三七五
近外依經率算得深二寸一分九二盡端去壺空一寸零
八五七廣三分一二苗後輻股不入轂者七分一釐六六
即輻廣三
分之一

竝其輻廣輻股似人臂故以竝言竝者循曲量之弱謂循
鑿之長得輻廣三分之二其廣得厚二分之一也鑿不過
大故轂能任重矣

參分輻長而殺其一據車人說輻長皆以輪半徑言則參

分一爲近下七寸六分六

加牙博得一尺一寸

若以輻之實長去蚤

與舊計之則參分一爲八寸一分八也

股圍較圍以輻廣與厚計之股圍得六寸四分五參分去

一得較圍四寸三分其廣當爲一寸二分九釐厚八分六

釐股厚得博之半較厚得博三分之二

無桀而固木相磨曰桀同櫟謂木楔也

足見凡蚤鑿不相直

得直也

必削其一方乃可入此方削則

彼方有桀矣有桀則搖動不固久之桀必自出而蚤外見

也對指言之曰蚤對股較言之則曰足

凡爲輪謂爲輪牙也或杼或侔皆輪既成而後削治之故以輪言明與揉牙爲二事也

杼侔如梭曰杼如男子勢曰侔杼者齊鑿端殺之侔者二

其鑿下殺之

下餘七分五釐爲不漆者

不甌于鑿謂牙雖爲石留僅甌

其下不能甌其兩旁而穿及於鑿也

揉牙反揉者制木以合規貴外不廉而內不挫外踐地處

內受輻之兩端外不固則曲者自折而廉內不和則廉者

或撞而挫也仄揉者木自曲但揉其旁貴無辟戾辟戾則

腫也

按反揉合十五牙而成規其通弦一尺三寸七分二二矢七分二釐一一仄揉合十牙而成規

萬之以眡其匡綆曲如矢在匡也萬今之紫茄其醫不正

故謂度綆之器爲萬

字通作蘆凡兩爪並生者其醫必踣紫茄之醫似之又陶器不正曰蘆義

亦同

平沈之均如陶均之平轉

眡其同如律同之等大等容

輕重之侔如二檠等重而平數語見記文用字之精

蓋嘗觀星圖華蓋杠形曲倚而不直立竊疑此記注文之誤今細攷之知記所謂崇十尺者以建於轎上言非以植於輿底言也計輿廣六尺有六寸半之三尺有三寸轎高

五尺有五寸程之下直者四尺上橫者三尺四寸半曲而

上以受達常者五寸半

即笠

是為四尺者二其建之在輪

之外入輪下尺有五寸上出二尺有五寸

等於人橫入崇八尺

一尺四寸半

中於輿

加達常二尺是為崇十尺也

崔豹古今注謂太公

因折蓋形而為曲蓋不知古蓋皆曲也

鑿下二枚以注疏攷之本作鑿下四枚

鑿深二寸有半二當作一

與所舁也

造車唯輿最易亦最難易者無所庸巧也難承者不易為固也夫子為邦必乘殷輅有以也

以輪軸舁以輶衛故名輿其制中廣六尺加旁軌各三寸

爲六尺六寸隧深四尺一寸加前軌三寸爲四尺四寸參
分其隧一在前得一尺四寸六分六六爲式式鉤三面崇
三尺一寸七分加版崇三尺三寸二在後得二尺九寸三
分三三爲較較一名騎崇五尺五寸式前當隅二柱兩騎
四柱皆方廣三寸

記不言柱圍因軫可推也

式覆騎覆與與下各軫

橫四

六並廣三寸厚二寸五分柱各爲牝隧以受版前式兩騎
下入旁式上入隧深五分廣六分半邸廣九分七五版厚
四寸三分式柱及騎後戶之筍方廣寸半長四寸出軫下
鍵之接式騎柱之筍厚寸博二寸深二寸半順於軫式覆

輪覆之筍俱近下端厚寸高寸半長三寸齊於柱旁覆之
筍入輪柱者如輪柱之筍加式柱者以牡筍自上銜入之
前軌二軫在式下者各長二尺八寸二分弱中間不接者
三寸六分以容軌即所謂軌風所自入也旁軌四軾各長一尺九寸

在轂前者一端轂下與前軾相銜以承柱一端去末四寸
八分三三爲輪鑿因用轂半徑加距與底數齊於末銳之
以鑿軌則轂與軌閒均空五分七釐不礙轂轉也二軾在
轂後者作軌用規爲銜轂皆如前凡邊軾與底軾相銜皆
轂下唯在後戶柱下則後軾轂上也軾者鎮也所以藉輿

而加於轉軸之上者也

从參與
異同

一曰填也人蹈其上聲填

填也計一與四面邊軫七在輿底者縱四橫二凡六皆藉

伏兔與輹爲固伏兔者當輿下之中用木長三尺中段脩

廣尺有八分後廣尺六寸八分前廣二尺二寸八分先制

爲首尾腹足之形次平輹面而留其筭乃竟首尾鑿隧前

當兔尾深廣三寸六分後壓兔首自兩肩漸殺以卻

凡長
九寸

六分出兔脣處深一寸六分四一廣三寸零一五九

軒踵壓
後軫博

二寸五分九厚
一寸二分五

隧下橫鑿軸穿方廣四寸二分鑿下三寸

平於輹兔髀向前斜出侵兩軫交筭外各三寸

前出一尺
零一分角

出六兔跪向後斜出齊兩交筍兔尾夾隧兩旁自橫軫以

前廣三寸至一寸兔頸當橫軾處隧旁各廣一寸八分兔

頰各廣二寸七分

連隧廣三寸零五八五合廣八寸四分五八五

乃於四足各鑿

縱橫軾隧縱軾夾腹橫軾在腹前後各八寸二分外距軌

與後戶各一尺零八分次斲兔脊脊高而尾殺之首又殺

之最後乃作筍腹上兩筍縱長七寸二分橫廣一寸八分

左右餘面地九分高一寸三分髀末兩筍當交筍之外方

廣一寸八分頰旁兩筍方廣一寸五分皆上天下小唯髀

頰之筍直其向腹一面也

爲易入板

轆筍後端必與兔筍齊

軾心

後三寸

六分

既合四縱軫已乃加橫軫以聯轆兔

縱四軫相距並一尺零八

分橫二軫相距一尺六寸四分其外皆距邊軫七寸八分加邊軾亦一尺零八分

其次乃聯邊軾

並用小釘固之

其次乃入輿板輿板凡六當軸前後者各廣八寸

二分一自前入一自後入其次廣三寸六分平入其次在

前者廣八寸零五前入在後者廣一尺零二分後入輿板

當兔肩髀之端交筍之內皆用巨釘固之其餘當軾處每

榻一釘之則三者相爲固也次入式版轉版於柱

皆自下入之

次植柱而鍵之次入旁式版

自上入之

次加旁覆則輿體成矣

記曰圖者中規謂旁軌也方者中矩謂諸軾也立者中縣

謂輶式之版也。衡者中水謂輿底版也。直者如生謂六柱也。繼者如附謂兔轆也。兔形似兔後高而前下長後足而短前足又名輶言固抱輶軫如鳥伏卵也。轆形上狹下廣如楔枝今謂之車夾耳也。凡居材居者安置之意大與小無并謂不以輶聯軫也。輶軸當輿心有轄自上鍵之以引車其踵雖加後軫之上但藉以固軫爲登車所由非以引也。夫而後乃可爲式與較矣。二者皆附輿外亦繼者也。式用版一長二短廣皆約尺五寸平加式覆上飾車欲侈外出者多。約一尺棧車欲弇內外如一其外皆揉于木承之。子形

再飾車反揉棧車仄揉俱厚寸五分博二寸一分六六上

有筍入式版下以釘固於箱版其棧車則內外皆揉之也

蓋車上爲地無多飾車若弇則式者進退不易兵車不式

唯取強固且欲令御者足得前身得俯策得及遠射者前

股有所倚而便於審固車右前股有所倚而便於用兵故

欲弇弇侈卽式版向內向外之伸縮非上下闊狹之謂也

用作升斗之反筍作車式版之上作小植欄如窗櫺曰櫺

徑六分式者首加之如對問也或曰櫺卽植本植同植本植同植騎兩柱之外

爲較其制用小方木一縱二橫廣厚如式圍縱者長如騎

閒橫者長八寸弦其兩端而合之搏其角如几面形縱木
內側均鑿孔以受軹軹卽較上平格其形圓而不用其下
馮者可手執不轉也軹內端與兩橫俱作筍以入騎覆與
兩角之下乃以小圍柱作雙筍承之曰較較校也几足
也足下端尺有一寸復用縱橫三木承之下以斜柱撐之
遠抵如兩較相重故詩云重較較徑一寸五分五三重較
軹徑一寸零二一
之下蓋與式齊也

棧車爾雅棧于木謂木生自曲者也兵車之式用之故謂
兵車曰棧車

關道名棧道卽取棧車之義
簣棧馬棧又取棧道之義

詩小戎棧收謂

用棧爲式而弁也。棧，駟孔羣棧車之駟也。舊訓淺非是。

輶有三度：此下衍軸有三理。四字輶平於輿，底下不及地。

故言深不言高。深，輶曲下至任正之深也。國馬高八尺以

上輶深四尺有七寸，則下至地八尺五寸七分，高於馬背

五寸七分。衡加馬背之鞍上輶係衡下，與鞍平，適得五六

寸之數也。田馬輶深四尺，下至地七尺七寸二分。驚馬輶

深三尺三寸，下至地七尺一寸七分。

或云驚馬雖屬乘車與道馬齊馬不同論

崇當減殺爲六尺則輶深距地爲六尺八寸七分。然經無明文，未敢臆定也。

與高七尺六尺之

馬皆相準。

軸有三理軸當作輶轍卽安謂乘車久謂兵車利謂田車
任正者循任者輶之後直以承軫也其前曲以利旋也攷
漢代車制皆一馬兩轅轅自軫側向前曲起續岐末聯梲
加於馬頸無循無鞍其引車以一革絡馬膺聯於腹背無
軼見武梁祠
堂畫像漢儒據此以說輶制謂輶出前軌漸曲而上
至循微鉤而下其解循任者亦謂兩軾之間不知非也任
正者輶後直而方自軫下前出於軌四尺五寸者也共長
八尺
九寸曲前所
餘不入算輿謂之正故輶後爲任正者齊有正輿子是
也循任者輶前曲而博長五尺五寸深四尺以田馬
爲中制下屬

任正前繫衛下者也

其形似耕犁之轅

爲衛所任故曰衛任其度

則後直者方徑三寸六分前曲者厚二寸一分六六博三

寸三三也

曲轡下入任正之筭當廣一寸二分長二寸八分三三鍔其前五分深出其下鍔之

五分

其長謂曲前之長也

轡深三度不同則長亦當有三等準上數推之國馬之轡長六尺二寸駕

馬之轡長四尺八寸

頸在曲轡前踵在直轡後肖人跪伏而爲之名

也曲謂之胡植之似人領下也

周禮立當前疾本作侯同胡

古戟字从

舟作𦨇戟有胡似轡曲也不言衛圍蓋與頸圍同也

圍徑三寸

零五

其駕之也兩服夾轡以鞍承衛中衛兩畔之下有机

下入鞍穿

穿狹口而闕其下

鞍上有鞅以固衛馬之兩肩以兩挾

繫鞵藉以鞅

鞅長革囊也今馬引車尚如此

鞅下有絆

今名衙兩端有絆

驅

以小木徑二寸屬衙端下垂當兩服之脅而驅兩驂向外也

兩馬之羈有繫

一名羈駕則聯

之服馬之鞵聯於鞍驂鞵屬軌內縱軫下

所謂陰鞵

御以六轡

兩服二轡兩驂四轡約以游環御者當軌立持五尺之策

俯而前擊可及七尺五寸馬後距軸曲尺計侵馬髀二尺

不及鞍衙亦約二尺故曰雖鞭之長不及馬腹也若衙在

馬領則策過於腹矣當免卽任正者免在輿下如人仰寢

軸在上如當之

自外言之曰任正者自內言之曰當免兩舉之明其大小同也

軸圍謂入轂端之圍者也古率徑四寸一分二五以此例

其中段之方圍得十六寸半

揉輶孫者讓馬後不讓則負弧深者曲太過曲過則折

大車登阨欲軒而人伏其輶下阨欲摯而人援其邸邸輶尾也牛後橫索輶閒以制牛之退下阨不援其邸則重勢向下而牛後爲索繒急矣繒猶擠也

順典順音墜輶摯如人稽顙是爲順順者不過深也軒如加書几上是爲典典者不過淺也折以曲執受直力也負輶旋而厭馬背也注者輕向下如水沃準者不軒不輕而平和者軒向上而不負田車欲注兵車欲準乘車欲和

而無折卽順也注也經而無絕卽典也和也蓋軒車馬用力多其勒恆直如織經過軒則勒亦絕也健足股僵直似木健也利而不和之病也契同刻艱進則其跡刻也需馬駐立如有待也和而不利之病也終歲御衣衽不敝安行而用策者寡也唯輶之和也馬力旣竭輶猶能一取唯輶之利也環滑者輶滑易故滑可薄也環義見下弓人伏兔長三尺故不至軌七寸不至猶云距也輶利且和故軌中之滑不傷

輶注則利下舊衍準利二字江氏曰輶在前者滑之軌下可不滑而亦滑之者欲驗輶之利安

久而不
摩損也

居幹與居材居角之居同謂審其爲簫爲柎之處與其宜也舊謂柎執微曲如反草也栗謂簫矢發而弦彈如震栗也不弛者上下直也發同發音撥弓辟戾也謂搖向左右

今俗作
擺字

紕而簪紕如人反縛仰不直也簪微也

剡本作剡从刀从心省音綏午割心也此借爲髓休同咻

執堅柔角本用老牛則執中用壯牛則堅末用穉牛則柔

二尺五寸之中三節相續續處皆爲犬牙銜也牛戴牛老

壯穉相戴也

牛角長二尺五寸絕
少唯鳥犍乃有之耳

相膠朱色而管管陳也終不平直也唯乾故終搏廉其廉
圓也唯澤故搏

小簡而長簡猶條也筋之條欲小而長其端之結則欲大
而澤

敝之敝捶之而不橫絕但如鞞罅之直裂也言筋之善非

謂捶治之孰

下敝字同
甫古鞞字

漆欲測漆之善者垂之絕而急捲如測深之起其錘

液角賈疏以液爲漬江氏謂以火去其液均未確凡角幹
乾則彊直得火則中液流通而柔則液是以火出其液而

便之治非去其液也故曰春液角則治又曰苟有賤工必
困角幹之溼而爲之柔言不復液也

秋合三材江氏云謂幹角筋合者以膠絲合之也漆則在
後故下云冰析漚

析漚漚有剛柔施漚有厚薄皆分析用之冰時漚沍而易
乾其文有定故審環蓋文之粗細通可謂之環也

大脩乾肉謂之脩脩猶昔也久也

斲挈必中挈作槩卽帑也與鑿枘之楔同爲木相磨故亦
名槩巾猶節也

挫角銜筭之廉擠動而自墜也

居角長者謂中堅者需謂末之柔者以次需謂先居需者於末乃以長者續之則無過短過長之病也

恆角月上弦曰恆恆角謂弦弓也角短則末太柔角長而

達於上則與鉅末相觸故引之不易若常繫於鞆中

鉅末所以

藉弦今謂之弓墊在
菱解之下弓末曲處

菱解菱鄭讀同骹骹解弓隈接簫處如支解之手挽也

从菱

艸从骹省生苗似人挺臂弓隈直下也以簫下爲挽故以

手也故可通借爲骹限下爲挺臂中兩臂之中也二句言角之所以能疾者祇

在骸解之不阻其力臂柎之能助其力不在角之長也

燂如燂肉而至於腫也

方其峻峻謂簫也簫本作殽弛之似男子勢垂也峻本作
交張如強作也今弓殽皆方之

高其柎弓把貼小木以助力曰柎鄭云側骨謂小木殺其
兩畔也或謂弓把兩畔有側骨者非高之者所以爲執也
薄其敝弓隈正當曲處曰敝易裂縫如甬也薄之而節其
帑則不敝矣

宛曲也引弓也俗作彎

下柎爲柎不高也未謂簫也興謂弓未搖向前後如舁者
初起之狀蓋柎弱則矢旣發簫必搖向後也

爲柎而發柎過高而執仰如矢旣發之形也殺接中以卻
也動者柎過強而摧其接中也

弓而羽殺而讀同如羽殺謂弓偃狹薄如羽末也發謂搖
向左右

膠三銑銑本作鈹同銕三銕重十八兩合今之七兩二錢
五七六

漆三甌甌小甌也容一合有六三之得四合有八甌今之

二立方寸二百六十一分弱

太和無澹此下三句依陳氏作其次角無澹其次角有澹而疏其次筋角皆有澹而深

合澹合謂弓兩側也秋合三材之合凡澹愈薄則文愈粗愈厚則愈細未乾而得暄或炙之則無文而有光背手文細於環澹而粗於蕢與斥蠖也

蕢謂亮皮

環澹爾雅好倍肉謂之環故澹文粗而閒闊者曰環唯質地滑易而施澹薄則如此

和弓般摩和調也般以稜摩以膝般者膝弓而以兩稜扳

而搖之弓末似車轂相軋也

按大射禮大射正以袂順左右偃上再下一順卽轂摩之

謂也凡人有所聽從疑立而首亟俯弓被轂摩之狀似之

廬人廬本作盧晉語曰侏儒扶盧盧者執兵乍前卻也

秘戈柄爲隧似引墨也所以隧之者識刃所在爲夜備也

車戟凡戈父建在車後爲下車所用戟矛在前爲車上所

用故以車字冠之

二矛矛同蚌篆作𠂔肖蟪蛄之形故借爲句兵名酋矛卽

三隅矛句前有刺著人如擠之夷矛一勾垂似人夷臥

句兵轂兵句兵者夷矛之專名轂兵者父之專名刺兵則

戈戟會矛之通名也會矛本刺兵而有參句故通名矛戈
戟皆枝兵而有刺其援皆以殺人非直句之使來故會矛
可列句兵戈戟不得爲句兵也

彈蜎彈者握而轉之似弦鼓也蜎似蠶蟲曲有定向也句
兵而彈則不易著人刺兵而蜎則前刺無力裨則蜎而不
彈搏則彈而不蜎也裨者微扁似棺槨旁也

同彊卽搏也裨者偏厚則有彊弱

傳人人執兵之人也傳附也依也必備敵密也侵之乘其
閒也

父齒矛凡兵以前手握處爲晉晉圍俱以五寸爲率晉舉
閒之長以五尺五寸爲率晉者伸縮似鳥出穴也晉前爲
被所以覆手也計父長尋有四尺五分之得二尺四寸爲
以合晉後五尺有五寸共七尺九寸餘四尺一寸爲首晉
圍五寸則被圍得七寸五分首圍得四寸也會矛常有四
尺被前丈三尺三寸被後五尺五寸晉晉圍五寸則被圍
六寸四分寸之一刺圍三寸三分寸之一也父長被三尺
四寸欲前重也會矛短被一尺一寸但取覆手也二兵不
復言舉圍後手握處握處敵兵舉細刺兵舉重已見上文也

灸諸牆灸如灸病而柱之

俗謂炷

謂兩手執而徵諸牆因反

復燒之也

置槩以縣槩借爲梲

篆作梲

旁三門以夏官量人及地官序官司門攷之乃是旁二門

也下云九經九緯後云九分其國皆其證矣

九區故經緯皆九若十六

區則不止於九矣

世室堂脩二七東西十四步也

夏人六尺爲步十

廣四分

脩而損其一廣兼堂室言南北十步半也

合六丈三尺五與周明堂同

室四方之堂後各一中央太室一也三四步四三尺四方

之室皆深三步三尺脩四步四尺也九階東西北各二階

南三階也

明堂位所謂中階

四旁兩夾四方皆有左右夾也夾室

隨方而爲之戶則八夾實止四夾夾外皆有堂故大戴禮

云九室十二堂也夾室脩廣皆三步三尺夾前之堂除牆

厚皆深六步則四垂各方六步也夾與垂在四隅與堂室

基成正方故但度堂室之脩廣而四隅可知也窻屋漏之

穴也五室之憲皆聖以白盛白盛蜃炭也門堂三之一門

及兩塾之脩凡九步二尺也室三之一室卽太室方四步

四尺也

康成以南北爲脩東西爲廣又攢五室於一堂之上又以室三之一爲門堂之室皆舛繆不可致詰

重屋卽明堂位之重檐本殷制而周人因之堂脩七尋七當作十阿宇也楮上覆板也四方有堂故四阿矣

明堂東西九筵脩八丈一尺南北七筵廣六丈三尺五室凡室二筵深丈八尺脩二丈七尺其太室則脩廣皆三筵也世室重屋明堂之制率與廟寢同唯南有中階南室之北墉有戶太室與南室皆中戶兩牖

明堂位所謂達鄉

夾室皆有

二戶二牖此其不同耳

世室除室深二丈一尺兩牆厚六尺得堂深三丈六尺再除櫺外八

尺則堂上每開方廣二丈八尺也明堂除室深丈八尺兩牆六尺得堂深三丈九尺若櫺外爲丈二尺則堂上每開方廣二丈七尺也又室後之廉亦當占地六尺以此計太室四旁得方六丈九尺室中二丈七尺室外四宇各六尺

兩牆六尺則與四方堂基相距亦止丈二尺矣太室當南鄉與明堂太廟同其前爲甬道以達之四戶入廟之說蓋未必然也

廟門四句据夏制門堂三之二周制當略同周之明堂與殿皆東西九筵門塾當六筵三分之各得二筵爲一丈八尺合今之一丈一尺五寸二分而廟門大於路門尊祖之義也應門又

大於廟門便事也廟門容大扇七个者大扇長三尺七个則二丈一尺也路門不容乘車之五个者五本作三乘車廣六尺六寸參之爲一丈九尺八寸曰不容則一丈八尺也應門猶臣下之大門其度特廣爲二丈四尺曰二徹參

个者二徹之閒廣八尺也

九分其國以爲九分下分字當依量人作州古文作𠂔與从相似故誤

門阿謂雉門也兩側有臺中卻入似曲陵故曰阿門之上爲闕臺上有雉堞下爲象魏所謂闕兩觀其前爲外朝

五雉高四丈五尺也

今二丈八尺八寸

舊說三堵爲雉長三丈高

一丈據後文云牆厚三尺崇三之則知每堵止高九尺三堵爲雉爲長二丈七尺高九尺也

爲溝洫按呂覽任地篇后稷曰六尺之耜所以成晦也其

博八寸所以成畎也所說與車人庇長尺有一寸合此言
耜廣五寸二耜爲耦則鄭氏所謂今之耜歧頭兩金者也
方十里爲成以一井爲一里與孟子同蓋皆夏殷之制周
人則鄉遂以一閭爲一里野外以四井爲一里也成卽周
人一甸百井之地周制以中六十四井爲五百十二家所
受正田外三十六井爲一易再易者易耕之田此則家皆
百畝也溝洫之制率畎縱而遂橫溝縱而洫橫成間有洫
則左右當皆有澮與周鄉遂法異而同非百里而後一澮
也百里當有十澮故下言各載其名也

逆地防防曲如拗者之指也溝逆地而至於防則過句故不行屬水注若獸尾也理猶循也孫讓也下則孫高則不孫

梢溝流泉所導之溝雨潦所益其下漸大如櫂之溜

句於矩卽弧角術之銳角

大汲其版約而築之其急如汲綆大汲者過急也

城逆牆城上迓敵之牆也逆古音語俗呼女牆

半矩謂之宣宣讀若鉤援之援

古木工所用之矩句尺股一尺三分尺之一故以股

爲半矩半矩之度如人肱至腕之長故謂之援肱挽所以援也

車人爲耒易繫辭傳言斲木爲耜揉木爲耒夏小正稱農
緯厥耒耒乃耜上之曲若輶胡者今謂之犁轅是也此記
雖稱爲耒而但詳耜之長短倨句或遂以耜卽耒不復知
有上曲一事其用遂不可曉矣今南北之犁大小雖不同
其制皆有曲有直牛緯所屬皆以小橫木繫轅頸嘗見陝
人有耦耕者係兩人共舁一木後挂轅曲前繫轅頸而曳
之後人執犁首以發土絕無單用直木之耜者也春秋時
已用牛
耕故爲耒
屬之車人

此耜前冒金者形如足此戾故名

从尸曳也从此以
足指物也此亦聲上句

五言
三
謂中直以上漸殺而曲向後者卽柄也柄下端距中直處
二尺二寸距上端二寸七分四釐爲首自底末至首弦之
仍得六尺六寸爲周人一步之度也外謂後也

大車牝服蓋廣二柯轂長半柯置輻中其轂加綆寸得徹
距轂內八寸五分加箱旁空一寸五分得徹廣八尺轅方
徑五寸入箱底左右各二寸半得轅閒四尺五寸鬲以革
爲之長六尺兩端屬於轅則曲起二尺牛高者約六尺六
寸加鞍得七尺減二尺爲五尺轅下鑿鉤二寸半以銜軸
得軸心至地四尺五寸也鬲卽輓在牛背其輓乃在牛領

以持鞵而繫於轅端以引車也

今北方騾車如此以聘禮記每車容禾千二百秉每

秉當一斗之積推之車箱之高蓋四尺五寸除四旁及底各厚一寸五分得容積十九萬零九百二十一寸也千二百斗共積十八萬七千五百寸

柏車轂長三尺置輻四分之一在內加綆六分得箱旁空一

寸九分亦為徹廣八尺

柏車轂空壺當為五分三

箱底高三尺五寸牛

卑者約五尺五寸加鞍得五尺九寸減二尺為三尺九寸

得扁下軒於徹閒四寸也

邸牛車轅甚長其在牝服後者名邸亦可載物以上下文

推之大車邸長五尺牝服八尺前轅一丈四尺羊車邸長

四尺牝服七尺前轅丈一尺五寸柏車邸三尺牝服六尺前轅九尺計牛身高大者鞍後不過五尺牛後空轅尙九尺蓋轅長則任減重故也柏車短爲行山也

羸屬羸讀同羸言不能走也與倮蟲之倮異

外骨羸蚌之屬內骨鼃鼃之屬

脰鳴天牛也注鳴蟬也旁鳴馬蜩也

燿後腹向後殺小如燿燿之腹

騫腹凡騰者腹起向上鳥喙在前似之

搏身而鴻言若鴻頸

之而同芝栴鱗厚而揭之貌

觚豆依注觚作觶豆作斗若謂中人之食僅飲四升則禮之不能終者多矣

上綱與下綱出舌尋按出者自內達外也上綱歧其本爲兩股自中上邪起交於躬末以出於舌下綱則自中之兩側邪出而已縝在中上及躬舌之末又檢躬與舌之崇各抵其鵠鄭皆以廣幅算之非也蓋紆侯之崇二丈三尺三寸去地三尺三寸參侯崇三丈二尺六寸去地四尺六寸大侯崇四丈二尺去地六尺堂高九尺人目高七尺五寸

故三鵠能迭見也大侯用布凡七十五丈六尺參侯四十五丈七尺三寸干二十三丈三尺三寸大侯見鵠於參參見中於干

祭侯辭主皮之射或用此

鐘鼎之齊鐘屬鍾氏鼎與量均屬栗氏

斧斤之齊與戈戟同屬冶氏此皆上齊

大刀之齊屬段氏桃氏削殺矢之齊屬築氏與鑿燧皆下齊

築氏鍾謂之築削書刀所以殺青一名鎖敝盡無惡句下

有殺矢刃長寸圍寸鋌十之重三坑凡十三字錯簡在治

氏殺矢者雖也坑疑卽填

諸錄唯殺矢最輕且係團體版可短其他應長寸餘至二寸也

冶氏鑄謂之冶此記說戈有胡有援以古戈證之乃無胡

但有直援蓋記文本作冶氏爲戈廣二寸內倍之四寸援

四寸傳寫舛誤遂準下文改作內倍之胡三之援四之也

鄭氏不見古戈故隨文解之誤也

內義同柄援下入秘者也戈援爲直枝

微邪向下亦可鉤援故名援微邪則內狹故曰倨句外博

外博亦非作矩形乃是圍曲而上其刺微邪也已倨則不

入已句則不決微邪則易入亦易決也前代諸戈多失之

倨不知兵者之所作也援枝與刺爲一援下窄刃與內爲
一二體相銜轄以金而錘合之故有長內折前之說也戈
刺如劍臘長尺其厚當一枚有半通計援刺與內厚一枚
半者約二十八寸積四立方寸二百分以古度尺合今六
寸四分約之得一方寸一百零一分每寸金四錫一和重
六兩五錢七分三三得共重七兩二錢三分七釐二四以
今權四錢零三釐二毫合古一兩共得十七兩九錢四分
九釐五毫有奇六兩爲鍤故云重三鍤也
鍤古鍤字金今黃銅錫今倭鉛
戟枝向上者爲胡向下者爲援與刺皆兩刃則寸有半寸

之博止得實厚一枚半者一統計內得六寸七分半胡去末殺得五寸半援得六寸二分半刃交二寸半刺上出七寸亦爲厚一枚半者二十八寸也

左傳衛侯戰手而罵謂前手向上後手向下如

戟枝也

兒氏當作鐘氏樂鐘之兩廉似樂實也

樂今俗呼無患子

銑絕澤

也于鐘脣曲中也

古鐘亦有不予者

鼓卽隧鉦在鐘面正中而近

上兼帶篆而名之舞爲鐘之兩肩甬爲舞上之管下大上小以受甬使鐘不搖甬三分一在下有束以設旋旋所以縣也或爲小環以貫於束與甬或作蟲形糾似蠶管之牡

故謂之幹幹蠡柄也

幹建旂之管也當讀為同从幹从古文同同亦聲內之曰幹出之曰旄也

與古文斗相似故誤耳

鐘帶在鉦兩旁而連於鉦兩旁各為五閒二

閒以象三閒以乳乳即枚每閒三枚二面合三十六枚也

康成不見古鐘故多臆說江氏亦然鐘形似兩弧相合假令兩鈇之弦尺則

鉦之橫長與鈇閒之矢皆八寸

此矢度係虛度自鐘身邪下度之

鼓閒之

矢與舞脩皆七寸舞廣五寸

記法二分以為之鼓閒二當作一蓋四分鐘身鈇閒八舞

廣五則鉦閒六鼓閒七也

以鉦長為甬長及圍古率得徑二寸五分六

釐受衻之徑一寸七分六釐以鼓閒為之厚得七分以鉦

閒為之厚得六分為隧深六分厚之一則一分也至兩樂

之高以古鍾度之率十分其銑益二也

臬氏金錫改煎至不耗如臬實堅密故名不耗然後權之
請以一鈞三十斤爲率權金六錫一用金二十五斤十二
兩四三錫四斤四兩五七也權之然後水之謂內二質於
水以視其體積共若干寸分也既得體積則可依量之大
小爲厚薄之數矣

今依金錫重率每今立方一寸金六錫一和重六兩六錢七分二八九七二零八四推之得黃銅體積爲今二十四立方寸三百九十五分三百七十八釐八百三十毫倭鉛體積爲今四立方寸六百零七分九百零四釐一百一十四毫共二十九立方寸零零三二八二九四四又用斛法深尺內方尺而圍其外依古率徑一周三一二五推之得嘉量上斛下斗兩耳及底之面積共七百三十平方寸七十九分九十八釐八

十九毫其厚擬爲一分半得一百零九立方寸六百一十九分九百八十三釐四百九十毫合今之二十八立方寸七三六二二零九五三尙餘二百六十七分零蓋聯附耳處須有餘銅也若用密率乃得今二十九立方寸二五四零五九六六四爲大於所準之數或量之以爲鬴深尺謂一耳爲量一耳爲板以執故可小也

內方尺以鬴容定斛法也凡立方尺其積千寸以六斗四升約之得升斗之積皆一五六二五也而圓其外其實一鬴鬴當作斛方尺而圓之則徑一尺四寸一分四釐二二三五六古率徑一周三一二五得周四尺四寸一九四一七二七五半周半徑相乘得面積一百五十六寸二十五分以高一尺乘之得體積千五百六十二立方寸五百分

也其鑿一寸其實一豆豆當作斗斗積一百五十六立方寸二百五十分也其耳三寸其實一升一升之積十五寸六百二十五分而三十分之得面積五寸二十分八三三三開方得二寸二分八二一七七三二二古率方徑一同積圓徑一一三一二三七零九四以此比例得圓徑二寸五分八一九八九一零一零三又用古率得周求其面積適與上積同也重一鈞疑作二鈞厚爲三分以密率推之方尺深尺而圓其外乃得千五百七十立方寸七百九十六分三百二十釐是古斛常盈而釜常縮不能相應也

段氏大鍾曰段鑄器蓋鉏屬也

桃氏成劍而磨治之如雪桃也臘猶鼈也卽劍脊脊兩旁
 如道有左右兩從因以目之莊周書列子行食於道從是
 也莖猶頸也卽劍內厚一枚博一寸一五對首而言故謂
 之莖莖雖長五寸而爲兩段在前與劍身爲一在後與首
 爲一爲牝牡筍相銜故曰中其莖設其後後卽莖之後段
 也首鏤也圓似首故曰首戰國趙策謂之蒙影其莖曰鉤罕廣一寸三分
 寸之二肉倍於好可唼而吹莊子云吹劍首者一唼而已
 是也其設之也先貫鏤於前鏤劍鼻也劍拊有脊似鼻額鏤似準及兩顙次鉤
 其後而鍊之而緤之鍊劍拊也

上中下制三等之劍臘廣雖同而厚薄則異故短者倍輕
今擬上制劍脊厚三枚有半五其莖長共積十立方寸九
百三十七分半重四十六兩七錢九分加莖重五分其得劍之一
五十六兩一錢五分約當九鎰之數中制脊厚三枚二五
四其莖長共積八立方寸一百二十五分重三十四兩七
錢六分加莖重四分其得劍之一得四十三兩四錢五分約當七鎰
之數下制脊厚三枚三其莖長共積五立方寸六百二十
五分重二十四兩零六分加莖重三分劍重之一得三十二兩零
八分亦約當五鎰之數也古率每立方寸得金三錫一和重四兩二錢七八一八七七

函人函乳也甲葉垂似乳故名七屬六屬五屬皆謂一尺
中札葉相續之數也凡札形皆上方而下圓犀革柔故七
屬每葉相距一寸四分二八長二寸八分五六兕革少堅
故六屬每葉距一寸六分六長三寸三分三合甲九堅故
五屬每葉距二寸長四寸其廣皆四分去一也革堅而札
密則齟齟保齒也柔而札疏則不緻也旅同膺圍要圍也

窓孔圓曲俯抱其綫也革堅則綫不侵革故見其窓是因
堅故窓非窓而後堅也裏裏甲衣也革材熟變裏乃能平
易舟鱗曰朕故謂札葉左右接處爲朕直則制革善也約

小也豐大也對約而言周密附也明謂縫界分明

鮑人鮑當爲鞣柔革似胞也卷而搏之搏通縛著同褚革內似褚絮也幘帛殘敝可用者少也

鞀人鼓璫積環如日輝故名鞀皋陶二鼓並建字本作鼗所以爲役者謳詠之節也其鼓長六尺有六寸厚三寸鼓面徑尺六寸中尺左右輓處各三寸自其旣建言之故稱左右端也穹三之一爲徑二尺四寸三正者兩鼓相去八寸與鼓中至兩端之度同也並建而仰擊之故云上矣鼗鼓四尺圍十二尺五寸六分中圍加三之一得十六尺七

寸五分徑五尺三寸三分似賁之楯故名鼗皋鼓長十二尺鼓面四尺中間倨句磬折得徑八尺九寸七分也

文章黼黻青與赤謂之文龍及華蟲也赤與白謂之章日月也黼爲車輔形牙白而中黑黻爲弓弼形弓以黑而繁以青

天時變火以圓當作天以圓火時變

山以章峰比次如旗章

水以龍波如龍鱗

後素功古之冕服皆玄青赤之色皆不能受必先以粉白

界畫之而爲之地然後可繪故夫子言繪事後素禮器言白受采與此記皆一義也先鄭言白采後布是繪他物及他色或有之耳

鍾氏當爲鳧氏梁者入羽器中似鳧沒也

幌帛在清水中之形

玉人鎮圭長而方似席四隅之鎮桓圭挫其角似桓楹足

信圭圓首似人直立

同琬圭而短

躬圭微曲從側視之似鞠躬

形冒諸侯之圭之冒班玉時留諸朝廷藏之典瑞朝諸侯則執以合符書所謂輯五瑞也全龍璜將皆禘玉之名而

有美惡故以爲天子公侯伯圭所用玉之等全以立玉飾龍口爲鬱鬯之流也龍蟠瓚上而繞勺瓚如環而承勺有曲柄聯於將將所執也或用圭或用璋中必當圭面之中爲隧示率天下之義也四圭句及下兩圭五寸三句並當在天子服之之下土圭之上大圭卽玉藻所謂天子搢珽前後皆直者卽天子之笏也以球玉爲之故亦名圭其形上下方從側視之則首六寸以下殺薄如杼其首如終葵終葵菌也禰圭尺有二寸有瓚黃金勺青金外朱中以祀廟今黃金八字錯簡在後邊璋厚寸之下又天子以聘女

下當接大璋亦如之諸侯以聘女大璋至厚寸十五字下當接有纁天子以巡守宗祝以前馬而鼻寸衡四寸五字當在後宗后以爲權上夫人以勞諸侯夫人以勞天子在案與十有二列之下也此章錯誤太多謹攷定如左

天子圭中必大圭長三尺杼上終葵首天子服之四圭尺有二寸以祀天兩圭五寸有邸以祀地以旅四望土圭尺有五寸以致日以土地禘圭尺有二寸有瓚黃金勺青金外朱中以祀廟琬圭九寸而纁以象德琰圭九寸判規以除慝以易行璧羨度尺好三寸以爲度圭璧五寸以祀日

月星辰璧琮九寸諸侯以享天子穀圭七寸天子以聘女
大璋亦如之諸侯以聘女大璋中璋九寸邊璋七寸射四
寸厚寸有縹天子以巡守宗祝以前馬瑑圭璋八寸璧琮
八寸以頰聘牙璋中璋七寸射二寸厚寸以起軍旅以治
兵守駟琮五寸鼻寸衡四寸疑作衡尺有四寸宗后以爲權大琮
十有二寸射四寸厚寸是謂內鎮宗后守之駟琮七寸鼻
寸有半寸天子以爲權瑑琮八寸諸侯以享夫人案十有
二寸棗栗十有二列諸侯夫人以勞天子諸侯純九大夫
純五璋邸射素功以祀山川以致稍餼

裸圭圭長尺有二寸博三寸二分厚八分後剡四寸八分
前受瓚柄處隆起二分其端爲橢瑩廣寸中厚五分瓚曲
柄長七寸直度六寸博二寸厚五分橢內屬於圭瓚前作
環形徑六寸好徑三寸六分以承勺螭龍其上龍首在勺
之左有遂自勺達於龍口飾以玄玉所謂全也通計圭重
今權二十七兩二錢瓚重十五兩四錢九分龍身徑五分
長十八寸約重四兩加黃金勺約重今權五十兩也

柳人柳同櫛

矢人江氏云矢筈有長短三尺其中制假令矢長三尺三

分之前一尺後二尺五分之二在前尺二寸三在後尺八寸七分之三在前尺三寸弱四在後尺七寸當其處準平之以定鏃之重輕前稍短者鏃重稍長者鏃輕

參分其羽以設其刃分字衍文設刃謂內鋌於弩也羽長六寸參之得一尺八寸加羽後距括一寸爲一尺九寸於此設刃適與鋌十刃一之數合憚依故書作旦規景謂之旦矢被風旋行似之

磬氏倨句一矩有半卽弧角術之鈍角一百三十五度也凡作磬折形者但畫十字成四矩而取其一矩有半之斜

反卽磬之倨句也

注疏所云止得鈍角九十七度十二分

焉與平方相去無幾以之作磬猶可若

爲未耜爲舉步如此豈可用邪且

人之磬折立如此豈復成禮邪已上已下謂石理有疏

折縣之而鼓或過高或過卑也凡縣磬以鼓外端與股內

端正平爲得中旁謂股旁

旅人有所仿而作之故名卽所謂器中膊也

庚爲大小既

庚實二穀庚作缺亦作斛容十六升卽區也

升六合亦曰斛庚豆實三而成穀三當作二豆容四升二豆則八升也

十則數爲十六斗書壘薛桑髻糾似括髮壘瘼如豕喙薛傾俯似薛荔桑墳

起也

脾崇四尺方四寸尺當作寸脾爲截上下球體以木爲之
魯敦所仿作也崇四寸方四寸用密率求之得球徑六寸
九分二八二零三三四上下各截一寸四分六四二零一
六七得截積共四十立方寸零八十三分四百七十二釐
五百八十毫以減球積一百七十四寸一二四七四七零
三八得一百三十四寸零四十一分二百七十四釐四百
五十八毫以古斛法除之得八升五合七八六七約爲二
豆之容也